



60

1

2

3

4

5

6

7

8

9

10

1

2

3

4

5

6

7

8

9

C 40-4574

丁翁上座請大歲及百家書置文武別紫雲山
我微築塔院在府中永為學者不敢許他院內
嘗山二世鑑其流謹記



64853

空谷集卷中目錄

米胡問悟

鏡清有言

雲門明教

雲居六戶

風穴黃龍

雪峰南際

大士不超

首山親切

雲門胡餅

親傳底事

板齒生毛

問法身寶

日裏看山

龍宿鳳巢

卷之三

卷之三

巴陵鷄鴨

投子亢聖

問趙州道

仰山山河

首山菩提

巖頭片帆

風穴塵鹿

投子三身

曹溪意旨

雪峰長藥

廣教異州

風穴皮裘

僧問首山

首山此經

趙橫高坡

九峰龜毛

臨濟吹毛

大隨證龜

瑞巖不出

交殊成勞

上藍市鄺

洛浦藏教

林泉老人評唱投子青和尚頌古空谷集卷中
 後學性一閱

生生道人梓

示衆云形與未質方知形是影根名起無名始
 信聲為響本莫有向無形無影無響無聲處會
 得的麼

舉米胡和尚令僧問仰山走口今時人還假
 惟否平蕪盡處山云悟即不無爭奈落第二

頭何行人更在
青山外

打鼓弄琵琶

打鼓弄琵琶
唱曲會家師拈

云然仰山與磨道即得還免得自己落磨是
口

門

若免得更有一个人不肯存和尚若免

不肯存和尚若免

不得亦落第二頭理無米胡雖然肯他自己曲奇脫體道諸人試點檢者應難

胡雖然肯他自己道諸人試點檢看

誰有閒工夫若點檢得出兩人瓦解冰消指猿啼處
更有靈蹤處若點檢不得且莫造次在上方

瓦解冰消 指猿啼遠
更有靈蹤 在上方

京兆府米和尚亦曰米七師謂俗舍第七又曰

雖然舊閣閑田地一度贏來方始休果然仰山
 道悟即不無爭柰落第二頭林泉道仰山老漢
 有收有放有縱有奪真所謂韓信功高誰與同
 轉身拆却連雲棧米胡雖然肯之此蓋姦不厭
 謾壯不厭欺焦搏廝嗑那覓噴聲怎不教授子
 從頭點檢徹底評量謝他看客兩停箇裏了無
 偏向不盡意趣又與分明頌出頌曰

碧岫峰頭借問人步步登高易心心放下難指山窮處未

安身坐著不可即雖然免得重陽令眼中撥去爭
 黃金屑

似靈苗不犯春鐵樹花開色更鮮

師云學憑入室知乃通方道曠無涯逢人不盡
 所以善財南徃常啼東遊不惜草鞋錢惟愁無
 入路折麼碧岫峰頭青松澗底求大善知識推
 窮解脫門儻蒙指示分明白信不囊藏被蓋然危
 繼峻嶺突屼嵯峨未足安身更宜轉位不見道
 莫守寒巖異草青坐著白雲宗不妙正如以癡

休功夫打疊妄心內守幽閑外絕幻境灰身滅智
 暢撥喪無餘緊閉玄闕施呈妙悟然則漸修頓悟
 頓悟漸修誠覆看來到底終須親到一迴始得
 不見道未到無心須要到及到無心無也休此
 與設有妙悟亦須吐却亦無兩樣恁麼舉來是
 免重陽令是不免重陽令是犯春不犯春還知
 麼迷悟似迷休取笑悟迷非悟莫稱奇示衆云
 某逢敵手琴遇知音必能打劫衝關決

解吟孫節奏莫有動絃別曲不令頭撞者麼舉
 鏡清問雪峰古人有言道甚麼來峰便倒卧謝
 話良久起云問甚麼多貴人清再問重言不
 峰云虛生浪死漢面赤不如語直

師云燈錄中載非鏡清所問僧問雪峰承古有
 言峰便作臥勢良久起云問甚麼僧再舉峰云
 虛生浪死漢林泉道這僧大似小官多念律攀
 今覓古待做問端是他雪峰老將不論兵及至

覩面相呈却不解全身擔荷這僧只知口闊不
 覓舌長故又重舉貪向林中尋野雀那知鵠子
 過新羅怎不惹教雪峰點罰道虛生浪死漢雪
 峰尋常示衆云我若東道西道汝等則尋言逐
 句我若羚羊挂角汝等向甚麼處拏摸林泉道
 看破了也僧問保福只如雪峰有甚麼言教便
 似羚羊挂角福曰莫是與雪峯作小師不得麼
 林泉道而今獵犬無靈性空向枯椿舊處尋恁

麼看來雪峰非不益嘗門啟懶待高賓自是時
 流倒生退屈有不周處試詳頌意頌曰

尋常愛客恨無來

心急

及至人來懶話陪

開口

藏舌空卧早知眠不當

悔之不及

虛勞紅焰落寒灰

枉教

熱鬧

師云一大圓覺為我伽藍三世諸佛十方聖衆
 九有四生皆是雪峰不請之友居常恒以法喜
 珩饍禪悅上味沾待而已每恨時中無來管顧

縱遇一箇半箇墮根禪客拍盲衲僧盡力提携
舒心激勵大似說話與聾人貯眼與瞎漢怎不
退禪懶為話會空使長連床上展腳橫眠方丈
室中側身暫卧恁麼為你老婆徹困劄自辜恩
負德此豈非虛勞心力枉用功夫空餘智焰搖
紅漫做寒灰落却可謂赤心片片知人少覩面
堆堆覩者稀

示衆云若遇當家人合說著實話索甚花言巧

語叙謝寒溫當可依實具實盡情管待莫有不
作外不做客的麼

舉雲門一日問明教今日喫得幾箇餠餅客
主裁教云五箇當仁云露柱喫得幾箇適來
不讓記得

忘却裁教云請和尚茶堂裏喫茶一椀來去

師舉雲門上堂云我事不獲已向你諸人道直
下無事早是相埋沒了也更欲踏步向前尋言
逐句解會千差萬別廣設問難贏得一場口滑

寶光集

卷四

五

去於道轉遠有甚麼休歇時此事若在言句上
 三乘十二分教豈是無言語因甚更道教外別
 傳若從學解機智得只如十地聖人說法如雲
 如雨猶被訶責見性如隔羅縠以此故知一切
 有心天地懸殊雖然如此若是得底人道火不
 曾燒口終日說事未嘗挂著唇齒未嘗道著一
 字終日著衣喫飯未嘗觸一粒米挂一縷絲雖
 然如此猶是門庭之說也須是實得恁麼始得

若約衲僧門下句裏呈機徒勞佇思直饒一句
 下承當猶是瞌睡漢時有僧問如何是一句師
 曰舉林泉道合取狗口恁麼看來方信道不露
 風骨句未語先分付進步口喃喃知君太固措
 故於問答不涉思惟豈落情見亦不窮玄亦不
 窠妙但於日用一切時中不令業識忙忙無本
 可據忽問明教今日喫得幾箇餽餅此豈非鉤
 頭著餌要辨魚龍教云五箇雖似將計就計到

底終沒咬嚼門云露柱喫得幾箇向不著意處
猛楔一槌是他明教稍會遮截架解果有轉身
一路道請和尚茶堂裏喫茶林泉道若非笑面
虎難遇駕雲龍想必投子更知深細頌曰

等閑垂借問端由

打鼓弄芭

不負平生盡吐酬

相逢兩會家竭力為人須是徹

赤心片片

方知茶味解

人愁惺惺到了

師云花嚴具載普慧雲興百問普賢餅鴻千酬

撥向上開吐無礙辯使狐疑冰釋令智鑑洞明
廣說如來禪此最為第一爭似雲門以尋常用
的信手拈來不生疑阻剔圖圖處任伊摸索非
止一飽忘百飢欲使十言令九中恁麼盡筋截
力徹底為人尚不得一箇半箇若是抑而不抑
何有今日莫道知恩者少負恩者多是他也有
茶裏飯裏未嘗失照的人常向夢中了了醉裏
醒醒加之以盧仝七椀趙老三杯不有憂煎轉

添性慄若非識空便合時宜爭解轉身吐氣不
滯玄關還知此老作略麼慢嚼細嚥能知味終
不黏牙著齒渠示衆云癱癱呆呆默默自知田地穩囉囉吒吒
騰騰誰謂肚皮愁莫有粧昏去者麼
呼者麼

舉僧問雲居六戶不明時如何外面猶似癱
措居百花叢裏過人肚裏非常
高著一葉不沾身僧云向上事如

何但能常淑切
何必更啞差

騰騰誰謂肚皮憇
莫有粧唇去
呼者麼

寶林集

卷之三

九

弄師子是否曰是云常美有置時曰要弄即弄
要置即置云置時師子在甚麼處曰置也置也
黑瓜梵志運神力以左右手擎合歡梧桐花兩
株來供養佛佛召仙人梵志應喏佛曰放下著
志遂放下左手一株花佛召仙人放下著志又
放下右手一株花佛又召仙人放下著志曰世
尊我今兩手皆空更教放下箇甚麼佛云吾非
教汝放捨其花汝當放捨外六塵內六根中六

識一時捨却無可捨處是汝免生死處志於言
下悟無生忍汝等諸人若向弄師子處獻合歡
時稍然觀透便見不涉緣慎護之的意也其餘
意味別啞啖者頌曰

春到石人視遠山徒勞所顧鶯啼花木碧波閑思切
隨聲逐色須知雲外巖松瑞能為萬象主

歲寒不逐四時凋

師云遠觀雖有色近觀本無形非高低之可校

量非淺深之可窮究豈容磊落那許嵯峨沒足
石人袖春風而莫能登陟通方衲子乘曉月而
試與參詳而况鶯啼花木雀噪園林魚躍碧波
蝶穿紅樹眼耳雖勞於視聽曾不涉緣臯舌然
關於觀瞻慎者不護身先在裏意豈不知休云
六戶不明白是一家無二巖松現瑞論甚雲外
雲中庭柏呈祥非止劫前劫後欺霜傲雪嘯月
吟風既耐歲寒不無節操只如轉位就功合作

磨生密移一步六門曉無限風光大地春
示衆云明鏡當臺物來斯鑑洪鐘在架應扣騰
聲莫有不蹉緣毫相度高低者麼

舉風穴初到黃龍波龍問石角穿雲路垂
條意若何欲窮親切處風云紅霞籠玉像擁
嶂照川原一句合頭語萬劫繫驢也是誰龍云相隨來也是誰
穴云和尚低聲衲子難謾

師云汝州風穴山延昭禪師初參越州鏡清順

卷之三

七

三

德大師德問近離何處云自東來曰還過小江
 否云大江獨飄空小江無可濟曰鏡水秦山鳥
 飛不度子莫盜聽遺言云滄溟豈怯艨艟列
 漢飛帆渡五湖德豎起拄杖曰爭奈這箇何云
 這箇是甚麼曰果然不識云出沒卷舒與師同
 用曰杓下聽虛聲熟睡饒譙語云澤廣藏山理
 能伏豹曰捨罪放憊速須禮拜了出去云出去
 則得便行至法堂上歎曰行脚人著甚來由因

緣未盡善豈可便休當再見堂頭遂迴云適來
 輒呈小駢冒蹟尊嚴蒙未賜杖責曰適來言東
 來豈不是翠巖乎云雪賣親棲寶蓋東曰不逐
 亡羊狂解息却來這裏念篇章云路逢劔客須
 呈劔不遇詩人莫獻詩曰詩則速私略借劔看
 云鼎首甌人携劔去曰不獨觸風化亦自顯韻
 預云若不觸風化爭明古佛心云旣許允容師
 今何有曰東來衲子菽麥不分云只聞不已而

已何得抑已而已曰巨浪涌千尋澄波不離水
云一句截流萬機寢削便禮拜德曰俊哉衲子
次到同安安問石角穿雲路垂藤意若何今此
頌古中作黃龍問兼以垂藤作垂條蓋當時編
錄之不詳也今以祖燈錄為證學者當知同安
既發此問風穴須當恁麼答安以拿活龍手擒
虎兒機道相隨來也是他亦不放開款款地陪
奉道和尚也須低聲雖不傷鋒犯手就中情理

難容若非投子和會將來險不大呼小叫頌曰

無價明珠暗處懸

佛眼覲夜深

將把木人穿

暗中一線

誰知却被泥牛見

莫錯吞入紅霞

碧浪淵

咬爵徒勞

師云永嘉道摩尼珠人不識如來藏裏親收得
六般神用空不空一顆圓光色非色怎不教雲
際師祖禪師問南泉既如來藏裏親收得如何
是藏泉云王老師與汝往來者是祖云不往來

者泉云亦是藏祖云如何是珠泉召云師祖祖應諾泉云去汝不會我語林泉道端的要知此珠下落隱而彌彰顯而不露終日尋不得有時還自來何必三更半夜勞動木人拈沒臘金針穿芒長玉線被井底泥牛偶然窺見吞紅霞於人我山頭吐碧波於是非海裏當機不讓低聲處休道風穴不道來

慶休道風穴不道來

是通方作者怕你不信試定省看

舉雪峰和尚送南際長老出作女人拜
不將謂

際歛手云喏喏更有赤
峰以手研額便歸

知音不在頻頻舉
達者須知暗點頭

師云誰家別館池塘裏一對鴛鴦盡不成雪峰
老漢雖於世諱路頭回男作女妙用現前魔魅
人家男女要汝不同一機一境上辜負已靈埋
沒家寶其實空劫已前父母未生之際還有男

女等相得失是非靡不可以女婦妾相定奪雪
峰大抵借婆祖子拜婆年要識本來真面目南
際歛手當仁不讓果見此道未喪知音可嘉此
真所謂沒孔笛逢鼈拍板無絃琴上和梁州雪
峰為是同行火伴不免臨行打散以手研額雖
則遠觀不審其由近覩分明所據科段不差毫
末故罷手便歸林泉道呻吟聲咳無非妙用神
通瞬目揚眉總是法門佛事慎勿以弄精魂胡

打闌深屈古人殊不知巧兒做處拙兒嬾東行
不見西行利既曾折柳分襟未審將何責別頌
曰

送客隨家豐儉施物千里人意重
輒鶯毛盡情為餞免

生疑相識滿天下
知心有幾人却蒙惠重過相贈彼此不

歛手遙別向暮歸是必早回程

師云常因送客處憶得別家時雖則紅塵汨沒
世路迂迴不可忘情冷淚飄蕩古人臨岐或贈

之以言或進之以酒或奉之以金帛或折之以
亭柳此隨家豐儉而施設也一日僧辭趙州州
曰甚處去云諸方學佛法去師堅起拂子曰有
佛處不得住無佛處急走過三千里外逢人不
得錯舉云與麼則不去也曰摘楊花摘楊花此
亦餞行之小樣也既蒙雪峰惠重相贈南歸怎
不歛手應喏還知遙別向暮歸處麼幾度扣門
招不出將身直入裏頭看

示衆云道高德重天子有所不臣性硬心孤諸
侯有所不友此蓋從來舊例本非特地新條莫
有不放閑強點檢者麼

舉傳大士見梁王不起

倚老賣老

公臣問曰大士

見王為甚麼不起

果然放

士云法地若動一

切不安

留與別道

師拈云然安邦定亂實假良

肱立法明宗須憑作者

且忌科分兩段

然投機不妙

過犯彌天

當局者迷

力用不全化風減半

向官不坐罪

空谷集

卷之四

七

若據將高就下即枯木重陽

聖慈廣休誰不承恩若盡

令雙趺即哀同萬里

天下生靈無敢喘息

師云婺州雙林善慧大士本州義烏人齊建武

三年丙子五月八日降於雙林鄉生傅氏其父

宣慈大士名翕南山云弘年十六納劉氏女妙

光為妻生二子長曰普建次曰普成二十四與

里人稽亭浦攏魚獲已沉籠水中祝曰去者適

止者留人或謂之愚會天竺僧達磨時號松頭

陁謂大士曰我與你毗婆尸佛所發誓今既率
天宮衣鉢現在何日當還因命臨水觀其影見
大士圓光寶蓋大士笑謂磨曰鑪鞴之所多鈍
鐵良醫之門足病人度生為急何患彼樂乎磨
指嵩山頂曰此可棲矣大士遂因躬耕而居之
有人盜菽麥芥菓大士令使籃籠盛去日常傭
作夜則行道見釋迦金粟定光三如來放光襲
其體士曰吾得首楞嚴定當捨田宅設無遮大

會大通二年倡賣妻子獲錢五萬以營法會有慧集法師聞法悟解言我師彌勒應身大士弟子恐惑衆止之六年正月二十八日遣弟子傅聰致書于梁高祖書曰雙林樹下當來解脫善慧大士白國主救世菩薩今欲修上中下善希能受持其上善略以虛懷為本不著為宗無相為因涅槃為果其中善略以治身為本治國為宗天上人間果報安樂其下善略以護養衆生

勝殘去殺普令百姓俱稟太齋今聞皇帝崇法欲伸論義未遂襟懷故遣弟子傅聰馳書投太樂司令何昌昌曰慧約國師猶復致啟翕是國民又非長老殊不謙卑豈容致達聰然指御路昌乃馳往同泰寺詢浩法師浩勸速至二月二十一日進書覽之遽遣詔迎旣至大士星冠儒履身披法服以見帝帝問佛耶大士默指冠問道耶又默指履問儒耶仍默指袈裟王荊公求

佛印作頌曰道冠儒履佛袈裟和會三家作一家忘却率庵天上路雙林廬坐待龍華後於華林園重雲閣講經玉輦陞殿衆咸屏氣拱立而大士箕坐不起憲司譏問如何不起士曰法地若動一切不安林泉道上乘菩薩信無疑中下聞之必生恠然投子拈處有收有放有縱有奪莫向言中取則直須句外明宗昔世宗幸大聖安瑞像殿問圓通善國師曰禮則是不禮則是

通奏曰禮則相敬相重不禮則各自稱尊帝大悅大士不起只知入理深談圓通應詔不廢門庭施設豈知投子亦存此意頌曰

梁國令他魏國愁二客煩一主渡江投水暗隨流
此處無緣雖然寸土居無動水生
他方別化爭奈雙
林樹半秋不有春風和氣

師云二十七祖付達磨大士識偈云路行跨水忽逢羊獨自悽悽暗渡江日下可怜雙象馬二

株嫩桂久昌昌此識達磨西來始終之事達磨
始來見梁武帝帝名衍衍從行從水故云路行
跨水帝既不契祖師果有洛陽之游故云逢羊
羊陽聲相近也祖師不欲人知其行是夜航幕
西邁故曰暗渡江也祖師西來見梁魏二帝此
言日下雙象馬也九年面壁於少林故曰二株
嫩桂也久九音同也假達磨不契鈍滯之事而
比大士徑挺不近人情亦相類也末後兩句點

他雖有千尺寒松且無抽條石笋佛事人情不
能周足還知麼相見易得好共住難為人

示衆云甲子乙丑海中金不勞煥煉戊辰己巳
大林木切忌穿鑿若知日日是好日方信年年
是好年為汝決疑故來搘筭

舉僧問首山如何是學人親切處

臯下著口
眼上安眉

山云五九盡日又逢春九九八僧云畢竟如
何飢來喫飯時穿衣山云冬去寒食一百五六六三

師云汝州首山省念禪師徧歷叢席常密誦法華經衆目為念佛華晚於風穴會中充知客一日侍立次穴乃垂涕告之曰不幸臨濟之道至吾將墜于地矣師云觀此一衆豈無人耶穴曰聰敏者多見性者少師云如某者如何曰吾雖望子之父猶恐耽著此經不能放下云此亦可事願聞其要穴遂上堂舉世尊以青蓮目顧視大衆乃曰正當恁麼時且道說箇甚麼若道不大衆乃曰正當恁麼時且道說箇甚麼若道不

說而說又是埋沒先聖且道說箇甚麼師乃拂袖下去穴擲下拄杖歸方丈侍者隨後請益云念法華因甚不祇對和尚穴曰念法華會也次日師與真園頭同上問訊次穴問真曰作麼生是世尊不說而說真曰鶸鳩樹頭鳴意在麻雀裏穴曰汝作許多痴福作麼何不體究言句又問師曰汝作麼生云動容揚古路不墮悄然機穴謂真曰汝何不看念佛華著語一日僧問如

空谷集

卷四

三

何是學人親切處林泉道擬親即踈擬向郎垂
故洞山云向道莫去歸來背父所以語忌十成
機貴回互教汝向三千里外沒諸說處作箇脫
洒衲僧設使逢春不被境謾縱遇寒食何勞遊
賞直饒恁麼會去且喜沒交涉頌曰

日暮陰雲郊野深東西南北不分重陽到後菊花

新

莫隨境轉恐落今時

不因西嶠殘冰盡但得雪消去爭得

東山一帶春

自然春到來

且莫猶言甚無知

師云九烏射盡一醫猶存一箭墮地天下黯黑
向舒手不見手處親切不離家開眼不覺曉時
寂寞不當戶放開一線等待重陽紅葉悲風黃
花泣露雖則語不立玄言須闡典故汾陽昭云
三玄三要事難分得意忘言道易親一句明明
該萬象重陽九日菊花新折不可勾中採摘體
內商量玄之又玄遠之遠矣直得絕後重甦梅
通暖信蠟阿雪泮西嶠冰消始遇東山春風和

氣方信道若立一塵家國興盛不立一塵家國喪亡且道立則是不立則是九盡逢春春日暖有心拜節莫嫌遲

示衆云言言見諦碓觜夜生花句句超宗磨盤秋結子不涉離微如何話會

舉僧問雲門如何是超佛越祖之談

未開口時何不取

薦門云餽餅切忌交嘴

師云言無展事語不投機承言者喪滯句者迷

廣主命師出世靈樹開堂日主親臨曰弟子請益師曰目前無異路乃曰莫道今日謾諸人好抑不得已向諸人作一場狼藉忽遇明眼人見成一場笑具如今避不得也且問你諸人從上來有甚麼欠少甚麼向你道無事已是相埋沒也雖然如是也須到這田地始得亦莫趣口快亂問自己心裏黑漫漫地明朝後日大有事在你若根思遲迴且向古人建化門庭東觀西觀

看是箇甚麼道理你欲得會麼都緣是你自家
 無量劫來妄想濃厚一期聞人說著便生疑心
 問佛問法向上向下覓箇解會轉沒交涉擬心
 即差況復有言有句莫是不擬心是麼莫錯會
 好更有甚麼事琢重林泉道雲門說許一落索
 只是要汝空劫前承當佛未出世會得由是僧
 問超佛越祖之談所以用一餉餅且墊汝口恐
 狂生見解漫逐識情擬議咬嚼黏牙著齒大岳

雪賣同到五祖戒處岳獨見戒岳便畫一圓相
 戒云是甚麼岳曰餉餅戒云趣爐鍛熟更打一
 箇岳擬議戒以杖打出三門岳謂雪賣曰這沒
 人情漢休去好林泉道一般油麵由人做造一
 般油麵由人壞却且道雲門餉餅與大岳餉餅
 是同是別雖是團圓無縫罅想來衆口決難調
 試看投子如何發賣頌曰

祖佛超談問作家且莫因來宜喫建溪茶非從

重陽日近開金菊
莫隨境轉
深水魚行暗動沙

隱密
雜窺

師云一言道斷處千古意分明假如佛不出世
祖未西來與誰抵掌清談論黃數黑雖知口闊
豈覺舌長最初不遇作家到了翻成骨董這裏
最是計利害處有言成謗開口成雙轍無言成
誑揚眉落二三不誑不謗情存一念悟如何趣
向寧越昔時迷雲門恁麼為汝徹困怎不旋烹

建茗憮碾龍團特就法筵煎點一上何必直待
重陽選擇九日賞東籬之菊明西竺之心大抵
此事綿綿密密穩穩沉沉恰似暗中樹影水底
魚蹤若非明眼人莫能窺得破除是雲門有撥
天闕底手為汝變生作熟製造将来慢嚼細嚥
好生嘗莫貪滋味徒開口

示衆云理因事顯想便宜出自當家事假理融

料耽膚肯向外屈家家不異代代無殊正當此

時還有認性者麼

舉僧問玄沙如何是親傳底事

住持千嶂月
衣鉢一溪雲

沙云我是謝家兒

一子親得

師云福州玄沙師備禪師閩之謝氏子幼好垂釣泛小艇於南臺江狎諸漁者唐感通初年年甫三十忽慕出塵乃弃舟投芙蓉訓禪師落髮往豫章開元寺受與布衲芒屨食纔接氣終日宴坐衆皆異之與雪峰本法門昆仲而親近若

師資峰以其苦行呼為頭陀一日峰問阿那箇是備頭陀師曰終不敢誑於人異日峰召曰備頭陀何不遍參去師曰達磨不來東土二祖不往西天峰然之暨登象骨山乃與師同力締構玄徒臻萃師入室咨決罔替晨昏又閱楞嚴發明心要由是應機敏捷與修多羅冥契諸方空學有所未決必從之請益至與雪峰徵詰亦當仁不讓峰曰備頭陀再來人也林泉道故應天

眼識天人這僧恁麼審問玄沙親傳底事他並
不以空王無字印迦葉錦襯衣為對亦不以授
受無法之法親承無心之心為酬唯以衆人易
會易知的支梧道我是謝家兒此豈非隨流
得性無喜亦無憂既解子承父業寧不立計成
家且道與趙州十八上解破家散宅的是一是
二相逢不下馬各自有前程頌曰

親伸端的向君言低聲莫比流沙少室傳心擬

即差夜鴈迴雙嶺後可怜風擺謝家人立月不成行

明前有勞法候

師云理由言彰非以極其致言不越理非理無以會其歸雖示分明當可親伸端的

非止青出於藍水寒於水且向世俗路頭光影
門中略通姓氏權類鳳毛豈知從無住本立一
切法形興未質名起無名莫比西渡流沙東來
少室得皮得髓傳法傳心酬立雪之勤答剎肱

之志以至花開五葉燭續千燈亘古亘今普天
匝地正眼觀來那的是親傳底事忽聞初夜
鴈迴雙嶺鶴唳千峰龍色叢中遙相鉢滯丹霞
云本是釣魚舡上客偶除鬚髮著袈裟佛祖位
中留不住夜深依蘿宿蘆花為復是一色蘆花
明月蘆花月船不犯東西岸須信篙人用意良
示衆云無意之意其意遠矣無味之味其味恒
然若知露柱懷胎便信石龜解語還真箇麼

舉僧問趙州如何是祖師西來意

日日頭東畔出

州云板齒生毛

魚中能唱出未審幾人知

師云趙州古佛出現於世雖無蓮臺光焰却有
妙用神通具四辯才得八解脱端的海口鼓浪
艤難險阻之態方信真文不措真武不龐一日
上堂云正人說邪法邪法悉皆正邪人說正法
正法悉皆邪諸方難見易識我這裏易見難識

僧問如何是毗盧師。師便起立云如何是法身。主師便坐。僧禮拜師曰。且道坐者是立者是林。泉道有勞神用。師問一婆子甚麼處去。云偷趙州筭去。曰。忽遇趙州。又作麼生。婆便與一掌。師休去林泉道。眼自爭先得籌。因打劫羸雖是勾賊。破家其奈泥中隱刺。莫更別有鈍滯處。麼頌曰。

九年少室自虛淹

此就成爭似當頭一句傳水外

標成
焉知
無漏
齒生毛猶可事。不爲希差石人踏破謝家舡。

師云。九年面壁垂一則語。直至而今諸方賺舉。非是虛淹歲月。漫度春秋。意似責他不說而說。未若說而不說。其實當頭一句。把定則唇寒。齒冷。放行則喜氣津津。若也脚跟線斷。舌上閑開。橫說豎說。無可不可。昔外道問佛。昨日說何法。佛曰。定法。云今日說何法。曰不定法。云昨日說。

定法今日何說不定法曰昨日定今日不定林泉道大人得自在世尊板齒雖不生毛其奈苦端還能具眼似許石人腳跟點地臯孔遼天踏破澄潭月穿開碧落天何止謝家舡而已哉還知麼若能截鐵斬釘必不拖泥帶水示衆云莊宗收得辛遇興化商量三角拈來可惜強賊錯認莫有賞鑒者麼

舉僧問仰山湧和尚如何是法身寶

五眼
難覩
湧

云百舌未休枝上語鳳凰那肯共同棲

南海
波斯

突點頭

師云洞山問講維摩經僧曰不可以智知不可以識識喚作甚麼語云讚法身語曰喚作法身早是讚也林泉道何不向未開口時會取竦山上堂云病僧咸通年前會得法身邊事咸通在後會得法身向上事雲門出問如何是法身邊事曰枯椿云如何是法身向上事曰非枯椿云

還許某甲說道理也無曰許云枯椿豈不是明法身邊事曰是云非枯椿豈不是明法身向上事曰是云祇如法身還該一切也無曰法身周徧豈得不該門指淨餅曰祇如淨餅還該法身麼曰閑黎莫向淨餅邊覓門便禮拜林泉道子細故詳無縫罅方知不是繫驢橛為同不世之珍所以罕逢別者若非仰山具天眼龍睛向不作貴不作賤處平展演演大鋪舒分星璧兩為汝

提撕道百舌未休枝上語鳳凰那肯共同棲只如仰山恁麼道為復是卞和之璧為復是隋侯之珠為復是指東畫西為復是將無做有南海波斯知價例不須更上試金石頌曰

松生巖畔鶴停穩坐著即不堪鳳出丹山鸞並翼只知其一類聚面壁尚虧庵外事不知其二淨名何苦太言論

師云有箇十八公唯好居巖壑朱頂來親依殊

不畏寂寥雖是恁麼也合隄防樹下底一場懶
懶况九包之鳳出自丹山非呈瑞祥鸞莫能為
併此皆建化門中暫時光影幸不以隨言定旨
逐語分宗略向癡人面前為他說夢吾初祖達
麼大士九年面壁為汝全提空劫前事猶被人
譏呼為壁觀婆羅門端的是烏棲林麓易人出
是非難又復點檢淨名居士梵語維摩詰此云
無垢稱亦云淨名問文殊師利何等是菩薩入

不二法門文殊師利曰如我意者於一切法無
言無說無示無識離諸問答是為入不二法門
於是文殊師利問維摩詰言我等各自說已仁
者當說何等是菩薩入不二法門維摩默然今
謂何苦太言論者意謂雖云不語其聲如雷自
古至今驚天動地恁麼舉來未審法身寶在甚
麼處也咄闍黎不是不將來老僧不是不拈出
示眾云說不真舉不似一則一二則二失却口

摸著臭莫有知下落的麼

舉僧問雲門如何是祖師西來意

山花似錦澗水如藍

門云日裏看山

徒勞引額

師云雲門上堂道諸仁者莫妄想天是天地是地山是山水是水僧是僧俗是俗良久曰與我拈按山來僧便問學人見山是山水是水時如何曰三門為甚麼騎佛殿從這裏過曰恁麼則不妄想去也曰還我話頭來林泉道門外金剛

笑和尚去也這僧雖問西來祖意大似頭頭蹉
過念念差殊單孔裏尋牙腦門後覓口忽然磕
著撞著方信道一切智智清淨無二無二無二
分無別無斷故何必日裏看山巖前翫水檻內
觀花樹邊努觜此時若不究根源漫向當來問
彌勒

坦然曾問老師安

言由耳爭似韶陽一句傳

不

及日裏華山仙掌露

莫錯

夜深猿叫月當軒

洞然
明白

師云坦然初參萬嶽慧安國師問云如何是祖師西來意曰何不問自己意云如何是自己意曰當觀密作用云如何是密作用國師以目開合視之然於言下知歸林泉道為怜三歲子用盡老婆心所以惹得投子道爭似韶陽一句傳林泉道已太廉纖雖則教汝日裏看山非是令汝見地明白向一機一境處會具眼衲僧自知

下落郭緣生述征記云華山與首陽本一山河
神巨靈擘開以通河流故華山掌記存焉然雖
顯露認著則不堪恁麼舉似将来還似夜深猿
叫月色當軒無耳石人不勞採聽還見麼嵐光
滴翠當晴晝笑殺襄陽孟浩然是非辭筆
示衆云運水般柴總是神通妙用變生作熟無
非至化玄規終日忙忙那事無妨者未審是誰
舉夾山在鴻山作典座辨齋鴻山問云今日

60 1 2 3 4 5 6 7 8 9

10

80

1

2

3

4

5

6

7

8

9

喫甚麼菜

不是蔓菁
定是芥子

夾山云二年同一春

朝

似相鴻山云虎好好修事著

日月

夾山云龍宿一虎

鳳巢

額額沒交涉

師舉法句經云若起精進心是妄非精進若能心不妄精進無有涯魏府老元華嚴示衆云佛法在日用處行住坐卧處喫茶喫飯處語言相問處所作所為舉心動念又却不是也林泉道只貪嚼飯喂嬰兒不覺渾身泥水濕又曰時當

缺減人壽少有登六七十者汝輩入我法中整頓手脚未穩早是三四十年須臾衰病至衰病至則老至老至則死至前去幾何尚復恣意何不初中後夜純靜去林泉道利物瀾翻三寸舌爲人不惜兩鬢眉恁麼看來夾山雖作典座輔弼叢林爭奈杓柄在他手裏鴻山故問今日喫甚麼菜正意本要洗擇精細不惹妄塵和湯合水大家知味是他便向粥檻邊鑊桶外筋挑不

起處匙抄不上時對他道二年同一春便是袁天綱李淳風也算他不著故云好好修事著夾山終不肯受他圈圓道龍宿鳳巢林泉道雖非同類且恁佛眼相看頌曰

相逢借問衆僧糜切忌黏牙著齒莫比庵園香餃施
少賣

紫氣夜隨丹鳳轉

步步金龍曉纏月中

枝血心間

師云知人者智自知者明以先覺覺後之心行

自利利他之行既偶相逢不無借問要與雲水高流通方衲子解黏去縛脫洒伶利所以道莫比菴園香飯施維摩詰經云爾時舍利弗心念日時欲至此諸菩薩當於何食維摩詰知其意而語言佛說八解脫仁者受行豈雜欲食而聞法乎若欲食者且待須臾當令汝得未曾有食於是維摩詰不起于座居衆會前化作菩薩而告之言汝徃上方界分度二恒河沙佛土有國

名衆香佛號香積到彼如我辭曰維摩詰稽首
世尊足願得世尊所食之餘當於娑婆世界施
作佛事於是香積如來以衆香鉢盛滿香飯與
化菩薩時彼九百萬菩薩俱發聲言我欲詣娑
婆世界佛言可往須臾之間與化菩薩至維摩
詰舍維摩即化九百萬師子之座諸菩薩皆坐
其上化菩薩以滿鉢香飯與維摩詰香飯普薰
毗耶離城三千大千世界語舍利弗諸大聲聞

仁者可食如來甘露美飯大悲所薰無以限意
食之使不消也有異聲聞念是飯少化菩薩曰
勿以聲聞小德小智稱量如來無量福德四海
有盡此飯無竭由是騰騰紫氣隨丹鳳轉於蒼
梧皎皎銀蟾伴金龍躍於碧浪還知偏不附物
意不立玄處麼木人夜半穿靴去石女天明帶

帽歸

示衆云木馬嘶風泥牛吼月於無說中還能饒

舌出是非離同別處合作麼生道

舉僧問巴陵鑒和尚祖意教意是同是別白

桃紅山
青水綠陵云鷄寒上樹鴨寒下水
切忌針錐徒勞摸索

師云岳州巴陵新開院額鑒禪師初到雲門門曰雪峰和尚道達麼來也我問你作麼生師云築著和尚臯孔門曰地神惡發打須彌一捆跨踏上楚天拶破帝釋臯孔你為甚向日本國裏藏身云和尚莫謾人好曰築著老僧臯孔又作

麼生師無語曰將知汝只是箇學語之流師住院後更不作法嗣書只將三轉語上雲門僧問如何是道師云明眼人落井問如何是吹毛効云珊瑚枝枝撐著月問如何是提婆宗云銀梳裏盛雪門曰他後老僧忌日只消舉此三轉語足以報恩自後忌齋果如所囑林泉道須知法施無窮盡報德酬恩亘古今僧問祖意教意是同是別這僧大似天上揀月沙裏淘金真淨界

中無事生事果信道老新開端的別非止只道
銀椀裏盛雪况能知鷄鴨各自下落可惜教人
向冷湫湫乾剥剥處摸索不著端的祖教同別
分付投子對衆合貼頌曰

同別祖意問端由纔說是
糾然失心便將元價與他

酬問口
廝當絲綸夜靜人垂釣不犯清波
意自殊

烏帶月收明不越戶
冗不棲巢

師云聞中生解意下丹青瑞草無根賢者不貴

洛浦侍立臨濟次有座主參臨濟濟問有一人
於三乘十二分教明得有一人不於三乘十二
分教明得且道此二人是同是別主云明得即
同明不得即別曰這裏是甚麼所在說同說別
濟顧師曰汝又作麼生浦便喝雲門因到江州
陳尚書請齋纔見便問儒書中即不問三乘十
二分教自有座主作麼生是衲僧行脚事曰曾
問幾人來云即今問上座曰即今且置作麼生

是教意云黃卷赤軸曰這箇文字語言作麼生
是教意云口欲談而詞喪心欲緣而慮忘曰口
欲談而詞喪為對有言心欲緣而慮忘為對妄
想作麼生是教意書無語曰見說尚書看法華
經是否云是曰經中道一切治生產業皆與實
相不相違背且道非非想天有幾人退位書無
語曰尚書且莫草草三經五論師僧拋却特入
叢林十年二十年尚不奈何尚書又爭得會書

禮拜曰某甲罪過林泉道慚惶銅面具財耐鑄
槍頭且道洛浦雲門答處與巴陵答處是一般
酬價是兩般酬價還定奪得麼而今打入新行
市一任牙人論短長巴陵老漢向澄源湛水撥
棹垂釣不顧夜靜水寒豈怕空舟載月若知鷄
鴨無撈摸自不著忙上下尋

示衆云前念後念不離當念是精識精其中有
精還有具此眼孔者麼

60

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

舉僧問投子凡聖相去幾何不問一投子下

禪床立

休推不知
見

師云脩山主垂語道具足凡夫法凡夫不知具足聖人法聖人不會聖人若會即同凡夫凡夫若知即同聖人凡夫不知者背覺合塵迷已逐物微言滯於心首恒為緣慮之場實際居於目前成名相之境虛生浪死不自覺知儻能一念迴光片時返照忽然自肯直下承當本自圓

成不勞脩證是知凡聖本無隔礙但情存一念悟寧越昔時迷故圓覺經序云心本是佛由妄起而漂沉岸實不移因舟行而驚驟雖則居於生界不昧佛因三毒四倒而非凡八解六通而非聖愚住真如寂滅之地盡入無生不二之門恁麼舉來凡聖本無差殊雲水強來詢問不免投子降尊就卑曲垂方便略下禪床兩手分付這僧若是仙馳客何必文殊更舉槌頌曰

水出崑崙浪接天
渭渭不斲
 天高地下秀林巒
華華無管

芳不斲

只知盡法

凡聖無蹤海岳寒

華華

師云昔黃帝遊于崑崙之丘赤水之上遺其玄珠得逢罔象任鼓滔天之浪儘翻浴日之波乾蓋坤輿不無蒙潤林巒谿谷觸處流通莫恠禅林略下及盡今時萬疊雲山一時劃斷是凡是聖彼此無蹤若海若峰縱橫無跡巖頭到德山

跨門便問是凡是聖山便喝林泉道迅雷不及掩耳又普化指聖僧問臨濟且道這箇是凡是聖濟便喝化云河陽新婦子木塔老婆禪臨濟小廝兒却具一隻眼林泉道再得完全能幾箇只如德山臨濟用處與投子下禪床立是一是二到頭霜夜月任運落前溪

示衆云真文不醋真武不麼若知至理一言索甚咬文嚼字直截處有道得的麼

舉僧問趙州如何是道

脚跟下州云城外底
薦取

指示僧云不問這箇道錯會衲州云問甚麼
分明道僧多道

不知僧云大道

可錯州云大道通長安老婆

道

蹉過州云大道通長安老婆

一切心

師舉三祖信心銘云至道無難唯嫌揀擇但不憎愛洞然明白以此觀來東西南北而縱橫得妙行住坐卧而左右逢原聊爾牌標五里從教目斷千山趙州雖指城外的是何止城外大抵

舉一隅不以三隅反這僧果是尋言逐句漫費草鞋錢抵死謾生要妄行腳債州亦不免粧昏去呼道問甚麼道此為慈悲之故有落草之談其僧依前不董那科猶自道哉問大道大似終日數十不知二五趙州所以再三撈撈盡力提携云大道通長安慎勿錯會此豈非世法佛法打成一片離憎愛嫌揀擇時節未委投子至此作麼生裁斷頌曰

空谷集

卷四

四

知道還他潦倒翁不勞贊歎親言相指自忽忽大

廣

閑忙

作甚

麼

關山

路遠

重須去

是必早

一逕

長途

一逕

程

君任通性來無阻隔

觸處任縱橫

師云南泉道道不屬知不屬不知知是妄覺不知是無記只如趙州古佛端的是知是不知若道他知裁他頭角道他不知減伊聲價向知不知處當合許他何故親口不出諫言只為慈悲大甚傾心吐膽連忙指示貴圖易曉易會不知

者翻成笑具難見難聞不弱閑山路隔鄉國程遙衣錦還時終須索去儻尔正偏兼到理事叶通不滯長途優遊鳥道作箇脫灑衲僧豈不快哉不是趙州親指示臨岐險不費盤纏

示衆云文約義豐都在筆端斡運心真語直全因舌本宣揚揀緊要處試請道看

舉仰山湧和尚示衆云一言說盡山河這箇

僧便問如何是一言聞風山以火筋插向爐

邊却收舊處已上神不同小小

師云舌頭無骨得言句之總持眼裏有筋具游
戲之三昧東坡云溪聲便是廣長舌山色豈非
清淨身夜來八萬四千偈他日如何舉似人林
泉道低聲低聲而况一言包裹塵沙一義含容
法界言語道斷非去來今何止山河而已這僧
承言滯句韓盧逐塊狗嚙枯骨便問如何是一
言林泉道何不向未開口時薦取所以山以火

筋挿向爐邊却收舊處林泉道仰山老漢被這
僧一問不免手忙腳亂放去收來雖是妙用現
前幾人於此能思無邪若也悟斯一法管教萬
法圓通塵劫凝滯當下冰消無邊妙義一時通
盡怕伊不信試問投子頌曰

一句稱提萬象分大
小摩竭空自掩重門莫
悔之

思當初衲子微開眼不及
惟照顧

眉毛

師云一句明三句三句明一句三一不相涉分明向上路若能於此稱揚提唱的了了明明洒洒落落自然森羅萬象古佛家風派列岐分花聯葉綴摩竭重門者梵語摩竭陁此云文物國西域記云昔如來於摩竭陁國初成正覺梵王建七寶堂帝釋修七寶座佛坐其上於七日中思惟是事當時衲子於仰山示衆擬提撕處微開正眼何必以輕勞重挿筋爐邊雪峰云三世

諸佛向火燄上轉大法輪雲門云火燄為三世
諸佛說法三世諸佛立地聽此與扇子跨跳東海鯉魚築著臘孔兩似盆傾的意脉不相上下還委悉麼一堂風冷淡千古意分明

示衆云長安大道七縱八橫咫尺鄉闕一了百當不移寸步孰能得到

舉僧問首山如何是菩提路脚跟下山云比去襄縣五里不多僧云向上事如何望得二山

云來徃不易

方知同道

師云處處菩提路頭頭古佛家不勞重進問海
角與天涯梵語菩提此云覺若知擬心即差便
解動念即錯汝但於十二時中行住坐卧拈匙
舉筋運水般紫常能覺察身心不被六根六塵
六識使作若向世諦門中教貪嗔癡汨沒深為
可怜儻肯迴光返照返本還源即凡心而見佛
心就迷路而歸覺路甚生次第清谿居士陳時

可問竹林海和尚云如何是道曰貪嗔癡是道
士深肯之若也於斯明得菩提煩惱本無有二
恁麼看來何必緊繫芒鞋旋尋竹杖向人問路
首山見這僧掉呆搭癡就便提攜道此去襄縣
五里此謂就船買得魚偏美踏雪沽來酒倍香
這僧稍知滋味恨心不捨又問向上事如何故
首山因便截勢就口便喰道來徃不易雖然如
是且於鳥道存心覓休向區區意路尋他日逢

人不得錯舉頌曰

問路窮途擬進程

看脚綠楊鶯語送行人客

悲憤牌

五里向君說

謝師指示莫道當年不指陳

爭能

諱得

師云楊無為道淨土周沙界云何獨指西但能從一入處處是菩提恁麼會得並不索說老婆禪教驀直去既不消迤邐行脚更何須特地歸鄉若阮籍遇窮途輒慟哭而迴如此擬進豈非

大錯雖是短長亭畔楊柳青青歸興悠悠鶯聲恰恰臨行更盡一杯酒著意參詳更度量休數單堠雙堠枉了將心用心為汝恁麼指陳當可歸家穩坐玲珑飄蕩多辛苦莫道山僧不道來示衆云恒居彼岸唯貪駕險截流空守澄源終不隨風倒柂還有悠悠漾漾垂綸擲釣者麼舉僧問巖頭古帆不挂時如何

平生厭風浪抵死捲舟航

巖云後園驢喫草

在

放者師拈云寒山睡重拾

得起遲

筭來名利
不如閑

師云世界未成之際父母未生已前無地水之可成禪無火風之可離散無諸佛之可歸依無衆生之可濟度向澄源湛水獨纜孤舟不挂片帆不施短棹畏風波之險惡戀荻葦之深藏這僧將此大意來問巖頭雖能及盡今時大抵少些和氣不見瓶子誠禪師囑夾山云直得藏身處沒蹤跡沒蹤跡處莫藏身吾三十年在蘆山

只明斯事所以巖頭亦不截衆流亦不隨波逐浪向不溜處換一馬杓道後園驢喫草於飽青時慎勿咬嚼切恐中結肚脹料竄灑蹄不守繫驢樞自然無惹絆是他投子優游平易不滯玄闕忘寵辱離憂喜與輕軒拈過道寒山睡重拾得起遲他誰管你前園與後園喫草不喫草雖然如是休從長耳咆哮處蹉過胡笳一韻長

頌曰

空谷集

卷一

雲暗西巖東嶺明

隱而
彌彰

汀洲南面起笛聲

不

採天光睡重和衣潤

始覺渾身鶯轉高枝柳

帶春聲逐色

師云交互明中暗功齊轉覺難力窮尋進退金

鎖網輓輓其實此事有眼難窺有耳難聽雲暗

西巖月生東嶺向半明半暗處似見不見時理

圓言偏言生理喪不免汀洲南面品起笛聲蓼

嶺西頭頻頻側耳非賞鑑者不達其旨非知音

者莫造其微此之所謂若將耳聽終難會眼裏
聞聲方得知其奈天光滴翠燭影搖紅木女魂
消石人睡重非止幕天席地其由枕石眠雲露
泣花梢風鳴樹杪既潤澤於布衲合休沐於雲
流普使人人盡皆知有渾一似春日流鶯出幽
谷遷喬木衣金縷轉笙簧恰恰啼時要汝不著
聲色羽羽飛去有誰能曉真如恁麼會得方信
道侵陵雪色還萱草漏泄春光有柳條

示衆云事存函蓋且容彷彿酬酢理極忘情誰

敢依俙比擬不犯唇皮一句合作麼生道

一舉僧問風穴塵鹿成群如何射得主中主

險

穴云釣船載玉瀟湘岸氣咽鯨寥問白鷗

切忌

道著

師云門門一切境回互不回互回而更相涉不
爾依位住至理一言擬舉唇寒齒冷將垂半肯
欲窮膽喪魂消息犯當頭豈容喘息只可傍提

護諱不宜冒贊尊嚴塵鹿者乃群鹿之長也制
字之法故从鹿从主群鹿隨之皆視塵尾所轉
為准古之談柄用塵拂揮之良有以也獸類尚
別尊卑人胡不分上下由是風穴識尊卑存上
下故不犯顏觸忤宛轉虛玄傍通奧妙以有語
之無語不談之極談對他道釣船載到瀟湘岸
氣咽鯨寥問白鷗為復是推惡離已為復是讓
善叢林具眼者辨看其或未然試聽投子重宣

聖勅頌曰

禁殿重闈視聽危

誰敢妄通消息側思偏立絳綸垂

勅遍天下王不流行漢鄉雲斷汀洲迥不及嶺暮猿啼

孤月隨大小明白

師云九重深密處不許外人知此明尊貴一路無敢當鋒擬來視聽罪不容誅踈山仁禪師始問洞山未有之言請師示誨山曰不諾無人肯踈曰還可切也無山曰闍黎即今切得麼踈曰

切不得則無諱處山肯之僧後問曹山先師道吾常於此切意旨如何山曰要頭斫取去僧又問雪峰峰以柱杖劈口打曰我也到洞山來林泉道寧可截舌不犯國諱此皆正偏回互兼帶叶通之微旨也雖則側思偏立拱密威嚴臣當退位朝君子合轉身就父絳綸垂者禮記緇衣子曰王言如絲其出如綸王言如綸其出如綺故大人不倡游言游者浮也不可用之言也

綺音弗車索也既爾漢天雲斷必然昏霧不生
沙岸汀洲固宜孤迥山寒嶺暮幽澗猿啼霜重
風嚴喬松鶴唳當此之際作麼生辨的野色更
無山隔斷月光直與水相連

示衆云三即一一即三三一不相攝分明為指
南莫有深談實相善說法要者麼

舉僧問

投子

三身牛那身

說法

諦聽

子乃彈

指付

此義文長

在來日

師云三身謂法報化也法身毗盧遮那此云遍
一切處報身盧舍那此云滿淨化身釋迦牟尼
此云能仁寂默在衆生身中即寂智用寂是法
身智是報身用是化身這僧今問那身說法待
似含元殿裏坐猶自問長安你子細參詳那一
身不與汝說不見道利說衆生說三世一切說
熾然說無間歇恁麼看來何待彈指而纔聞邪
僧貫休詩云紫栴檀塔六七級紅菡萏花三四

枝禪客相逢只彈子此心能有幾人知林泉道

用知作麼林泉雖恁舉來不可便恁麼會不可

不恁麼會畢竟如何乃鳴指一下頌曰

三身說法問端由約事窮彈指輕輕海岳收理

深金鎖塔開紅日像高著眼看夜深人笑碧峰頭極

傍觀者西云

師云知音不在頻頻舉達者須知暗裏驚而況
巖樹庭柯各挺無邊之妙相猿吟鳥噪皆談不

二之圓音頭頭尔法法尔黨能於未發問時未
彈指處深辨來風稍知去就任茫茫之滄海縱
岌岌之群峰萬狀俱泯千波竭沸雖是放去較
危何礙收來太速王闡金鎖八面玲瓏寶塔珠
簾十方通暢赫赫禪天紅日巍巍聖像金容不
離三身而明一性忽若夜深人悄笑虛空不解
點頭試來碧岫峰前肯入廬何妨垂手機感相
投一句更請道者暫時歛念輕彈處樓閣重重

門自開

空谷傳音

卷四

七

示衆云水長船高豈學臥輪誇伎俩風恬浪靜
不應如秀拂塵埃伶利衲僧自知下落

舉僧問仰山湧和尚曹溪意旨如何朝朝相似日日

般山云一鎖入寒空徒勞摸索

師云唐中宗神龍元年降詔云朕請安秀二師
宮中供養萬機之暇每寃一乘二師並推讓曰
南方有能禪師密受忍大師衣法可就彼問今

遣內侍薛簡馳詔迎請願師慈念速赴上京祖
上表辭疾願終林麓簡曰京城禪德皆云欲得
會道必須坐禪習定若不因禪定而得解脫者
未之有也未審師所說法如何祖曰心悟豈在
坐也經云若見如來若坐若卧是行邪道何故
無所從來亦無所去若無生滅是如來清淨禪
諸法空寂是如來清淨坐究竟無證豈況坐邪
簡曰弟子回主上必問願和尚慈悲指示心要

祖曰道無明暗明暗是代謝之義明暗無盡亦是有盡相待立名故經云法無有比無相待故簡曰明喻智慧暗况煩惱修道之人儻不以智慧照破煩惱無始生死憑何出離祖曰煩惱即是菩提無二無別若以智慧照煩惱者此是二乘小見羊鹿等機大智上根悉不如是簡曰如何是大乘見解祖曰明與無明其性無二無二之性即是實性實性者處凡愚而不減在聖賢

而不增住煩惱而不亂居禪定而不寂不斷不常不來不去不在中間及其內外不生不滅性相如如常住不遷名之曰道簡曰師說不生不滅何異外道祖曰外道所說不生不滅者將滅止生以生顯滅滅猶不滅生說無生我說不生不滅者本自無生今亦無滅所以不同外道汝若欲知心要但一切善惡都莫思量自然得入清淨心體湛然常寂妙用恒沙簡蒙指教豁然

大悟禮辭歸闕表奏祖語有詔謝師并賜磨衲
袈裟絹五百疋寶鉢一口林泉道勿謂龍顏善
分別故應天眼識天人汝等諸人若謂林泉以
此便為曹溪意旨者大似持蠡酌海握管窺天
若要見諦明白須問投子始得頌曰

重峰層仞插寒空魏巍峩崿落落森森
窮不及仰望千古松聲來有韻莫將耳聽萬年溪水去
無蹤只可心知

師云高高標不出隱隱莫能窺那許追攀豈空
奔去呼湊既待依俙彷彿不無突兀崢嶸重峰層
仞插宵漠之寒空古澗幽泉瀉灣環之夜壑巖
窟梵刹塔鎖深雲休云佳趣難窮畢竟玄微漏
泄聲傳千古松風韻出於青霄意緒萬年溪水
終投於碧海林泉恁麼舉似将来大似與鉢盂
安柄令混沌粧眉還可喜麼有意氣時添意氣
不風流處也風流

示衆云半半和和抹抹搭搭沒名沒姓無繫無
拘時時示時人時人皆不識有具眼者麼

舉僧問福州靈峰顯和尚如何是諸佛向上
人千聖
不識亦峰云白雲覆青山隱而彰僧云莫便
是和尚為人處也無認著依前還不是峰云深沼徒

長渠根非生下土

師云毗盧有師法身有主非具天眼龍睛者莫
能見見洞山一日為衆曰體得佛向上人方有

話分僧便問如何是佛向上人山曰非佛林
泉道為垂一隻手不惜兩茎眉保福別云佛非
林泉道倒用顛拈子細看法眼別云方便呼為
佛林泉道不惜唇皮盡情吐露若也於斯薦得
方信道有名呼不得無位可安排自古至今無
人能識故靈峰寬遮外羅出就藏鋒道白雲覆
百山雖則體用互興正徧兼到其實舌上無十
字關口角有空王印更須子細參詳慎勿死在

司下這僧果然冤妙失宗機昧終始鑽入紅綿
套索跳入碧玉穿坑道莫便是和尚為人處也
無靈峰火到頭上急忙撲撒道深沼徒長蕖林
泉道休於言下覓莫向意中求免致施泥帶水
那消逐氣尋香向乾乾淨淨冷冷清清處試參
頌意頌曰

雪嶠層層翠鎖深蛇鑽
不入風生寒岫結重雲仰望
及夜來丹鳳冲霄漢沒蹤跡

斷消息聽晚樵人逐鴈

群一句無私語

千山走衲僧

師云冰霜一色雪月交光明白轉身還曾墮位
莫守層層雪嶠休栖密密霜林漫貪疊巖堆青
枉戀幽巖鎖翠非止形興未質其由名起無名
古聖不安排至今無處所直得龍吟霧起虎嘯
風生轉位回途從偏入正功勲不犯兼帶叶通
雖寒岫暗結重雲奈春嶺微生皓月夜來丹鳳
偶爾冲霄聽曉樵人虛勞心力霜鴈既歸塞北

雲流莫背司南恰如鵠子過新羅致使鬚頭空
簷耳還知麼都為此時曾蹉過故令今日卒難
逢示衆云無師智自然智沒可思量分別心取捨
心決難裁斷莫有摸索著知下落者麼

舉僧問蘄州廣教志和尚是甚麼物學人不
會只是你
不具眼志云生在冀州將謂
志却

師云有物先天地無形本寂寥能為萬象主不

逐四時凋林泉恁麼舉來會那不會若言會情
存一念悟寧越舊時迷若言不會虛生浪死有
甚了期向端的處道將一句來黃蘖云打破大
唐國覓箇不會的不得又石頭和尚云衲帳蒙
頭萬事休此時山僧都不會又慈覺云釋迦猶
不會迦葉豈能傳若會得這不會的甚生次第
六祖大師告衆曰吾有一物無頭無尾無名無
字無背無面諸人還識否荷澤出曰是諸法之

本源乃神會之佛性祖曰向汝道無名無字汝便作本源佛性澤禮拜而退祖曰此子向後設有把茆蓋頭也只成得箇知解宗徒林泉道靈山授記也不似今日這僧不會荷澤誇知畢竟此物是何模樣不似廣教說得道理好待道是識誇空花之濃淡定兔角之短長待道不識憎金有色謗沉無香不如且叙鄉貫道生在冀州識與不識會與不會一任卜度其餘意况自有

投子為伊指注頌曰

禁幄重闈苔蘚深孰能履淺
常誰携班杖來相問不識

切忌妄傳消息

師云曹洞正宗假尊貴一路明至極幽玄之道視之無見聽之無聞若至尊之處寶位上下悚懼內外雍容猶衆星之拱北辰如百川之潮東海故喻以龍樓鳳闕禁幄重闈非箇中人曷能

履踐所以綠苔斑蘚隱密幽深故云寶香鳳燭
 煙雲合寂寂簾垂不露顏由是金鈴絕響畫鼓
 聲消臣退位以辭君子轉身而就父非止借功
 明位還能借位明功曲為今時入鄆垂手故以
 非物之物不會之會不解交處再三再四與捲乃
 斑竹方便提携這僧問既有宗廣教答亦攸同
 雖是生在冀州何處不為鄉國莫使承言者喪
 休教滯句者迷東園夢壠任青青春意儘教藏

不住雖然如是一氣不言含有象萬靈何處謝
 無私

示衆云臯下有口眼上有眉怕伊不信折磨問
 誰還許顛拈倒用豎判橫批麼

舉僧問風穴如何是學人親切處

熱則趁涼寒向火

穴云須彌南畔齊打鼓賀蘭山上築皮毬

不勞

師云得處但能忘計較用時全不費功夫若向

大聰操

卷之三

七

十二時中行住坐卧呻吟聲咳運水般柴著衣
喫飯處不被塵境所礙世事相謾於陰入界處
外不隨應內不居空自然中間無繫縛處故石
霜云休去歇去一念萬年去寒灰枯木去古廟
香爐去一條白練去應須念茲在茲休更抑而
不抑當合切切一一親為這邊冷淡那畔相應
所以風穴拈轉話頭教你至親至切處灑灑落
落脫塵離俗非止教你出生死樊籠解識情羈

特與汝道須彌南畔齊打鼓賀蘭山上染皮

述知他是你聽得那不聽得曾見不曾見古不
云乎萬籟有心聞不得孤囂無耳却知音子細
參詳不宜造次頌曰

親切

曾伸問老翁

敏而好學

東山

歌唱北山吟

拍隔行

令長即就

是弄潮湏是江吳客

利是

別語還他漢地人

師云雪峰和尚三上投子九到洞山汾陽昭參

七十一貞大善知識後到首山問百丈卷席意
旨如何山曰龍袖拂開全體現昭曰師意如何
山曰象王行處絕孤蹤昭於言下大悟拜起曰
萬古碧潭空界月再三撈撈始應知問者曰見
何道理便爾自肯昭曰正是我放身命處非止
這僧以親切之言曾問老翁上代下世誰不如
之要碎疑團須參老宿深謝風穴指東畫西將
南作北吐無礙辯學無舌人吟無字詩歌無聲

曲何啻絲竹可以傳心目擊以之存道此非本
色衲僧莫可得而知也這僧恁麼問風穴恁麼
答若非曾泛滄溟慣經風浪弄潮於性海駕險
於真空莫能及此唯江吳賈客可同舟而濟知
胡越而無異心風穴雖恁分明舉似若番語相
似何故如是只為分明極翻令所得遲林泉權
做通事舍人聊與妄傳消息還會麼他日逢人
不得錯舉

寺
卷之三

卷之三

卷之三

示衆云窮玄究妙好肉剝瘡數黑華行無風起

浪待要不悶且守本分還肯恁的麼

舉僧問首山如何是學人用心處

如人飲水冷暖自知

山云恠你一問遲也

大造廣闊忙作甚麼

普賢菩薩

師云將心用心轉見病深況此事不可以有心

知不可以無心得楞嚴經云阿難言如來現今

徵心所在而我以心推窮尋逐即能推者我將

為心佛言咄阿難此非汝心阿難瞿然避座合

掌起立白佛此非我心當名何等佛告阿難此
是前塵虛妄相想惑汝真性由汝無始至于今
生認賊為子失汝元常故受輪轉二祖謂達磨
曰我心未寧乞師與安摩曰將心來與汝安祖
良久曰覓心了不可得摩曰我與汝安心竟只
如吾佛徵處達摩安時未審這僧作麼生用若
也解用常啼賣處休違價其或未然海東有果
莫欺謾首山道恠你一問遲也為慈悲之故有

落草之談方來便去待要教他疾會所以反恠
其進可伶一片婆心切望斷三山片月輝其餘
光彩分付投子頌曰

未語難明迷悟情勘破了也發言方表赤心人賣少
弄只知進步求名王轉遲爭信靈苗不受春

虛勞
心力

師云若是靈利衲僧未語先知不言自會直待
發言吐氣堪作甚麼從來迷悟似迷今日悟迷

非悟爭奈赤心片片知人少覩面堆堆覩者稀
圭峰云作有義事是醒悟心作無義事是散亂
心散亂隨情轉臨終被業牽醒悟不由情臨終
能轉業儻能退步就已收攝身心宛勝進步求
名徒增瑕穎枉向荆山抱璞還同卞氏招殃不
如自守如意寶珠免受途中玲瓏辛苦而況靈
苗生有地大悟不存師豈受春風和氣分拆芳
妍不勞造物化工隨時般弄若也於斯薦得自

空名集

卷中

七

知無伎倆似覺得便宜

示衆云六成就中莫攝四法印內難收端的卷
不到頭其實展不到尾爭肯容易教人隨喜

舉僧問首山一切諸佛皆從此經出如何是

此經汝還識

字麼

山云低聲低聲

開口

僧云如何

受持

即差

動念

山

云不染污

已

是

觸大

善

梅

師云東印土國王請二十七祖般若多羅齋王
問曰何不看經祖云貧道入息不居陰界出息

不涉衆緣常轉如是經百千萬億卷林泉道有
勞尊者神用藥山尋常不許人看經有時自看
次僧曰和尚尋常不許人看經何故自看曰我
只要遮眼云某學和尚得否曰汝若看牛皮也
須穿透林泉道面亦不如語直巧說不如便道
又一日看經次僧明哲云和尚休猱人得也師
卷却經曰日頭早晚也云正當午也曰猶有這
箇文彩在云某甲無亦無曰老兄大聰明云

某只恁麼未審和尚尊意如何曰老僧跛跛挈
挈百醜千拙且恁過時林泉道猶有這箇文彩
在只如尊者與菴山看轉的是此經那不是此
經若向未開口時薦得何必竺法蘭拖特來誦
譯首山云低聲低聲意恐這僧承虛接響數黑
尋行故恁麼道這僧魂靈不著軀殼猶自審問
如何受持不想首山誨人不倦就口便喎道不
污染若是喫火不燒舌的衲僧便解轉身吐氣

不被眼謾豈容口決頌曰

水出崑崙山起雲兩同當局釣人樵父昧來因

迷者

只知洪浪巒巒濶山水自山弓不肯拋絲棄

斧聲各自有前程

師云是法住法位世間相常住是知無一法不
本乎心無一物不根乎性若以比量而較見煙
定知是火見角決然是牛水豈無其淵源山豈
無其雲霧釣人依水樵夫依山而不委艮覆坎

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

坎中滿童蒙之爻象動靜之緣由雖知洪浪瀾
翻不肯拋綸罷釣貪尋嵒巒寬闊徒勞斧鑿痕
深大似點罰這僧只知一切諸佛皆從此經而
出殊不知此經亦賴一切諸佛而說不見道過
去已說未來未說現在今說還知此經下落麼
以拂子擊禪床云休得也

示衆云念念釋迦出世還能會古通今步步彌
勒下生莫避撞頭磕額處處相逢休推不識

舉僧問郢州趙橫山柔和尚如何是佛

禮拜更不禮

待何時柔云平地望高坡

徒勞顙研

師舉花嚴經云佛身充滿於法界普現一切群

生前隨緣赴感靡不周而恒處此菩提座方信
道無一名不攝如來之號無一物不闡遮那之
形又高仲常題龍門萬佛詩云鑿破蒼崖已失
真又添行客眼中塵請君試看他山石不費功
夫自法身林泉道恁麼看來左逢而右遇日富

而心飫撥破面門無迴避處所以用老婆心太
切當陽指示更不囊藏被蓋直教體露真常道
平地望高坡莫睂眼所額檻眉擬若如斯蹉過久矣不見道仰之彌高鑽之彌堅瞻之
在前忽焉在後且向無繁惹沒粘帶處子細參
詳頌曰

江山歷盡幾施功

草鞋錢還

方得逢人話昔

同不是知音

徒側耳

春到洞庭南壁畔

方知暖

鳥啼

西嶺月生東

切忌隨聲逐色

師云漳江閭潼泉天門一合十方無路有人道
得擺手出漳江泉云蟄戶不開龍無龍句江云
是汝恁麼道那泉云是則直言是不是則直言
不是江云擺手出漳江林泉道只如恁麼道是
肯他不肯他諾伊不諾伊具眼者辨看又趙州
問僧千山萬水來那箇是你自己僧云某甲不
會敢問和尚如何是學人自己州云萬水千山

林泉道只是舊時行的路逢人舉著便請訖若向這裏會得方信道君子千里同風元本一家無二既有洞庭春色不無曲為今時間甚水消北岸花發南枝恰恰鶯啼翩翩蝶戲月生東嶺日墜西樓皆不離我建化玄門還會得麼遂以手研額云遠觀不審近覩分明

示衆云禪天遼闊豈限西東性海汪洋那分南北箇裏既無遠近就中寧有輕沉試來故掇便

知深細

舉僧問九峰勤和尚如何是西來意

碧眼胡僧笑點

頭峰云一寸龜毛重九斤

無星秤上一任稱盤

師云祖意本不西來西來那有祖意僧問藥山祖師未到此土此土還有西來意否曰有云既有祖師又來作麼曰只為有所以來林泉道若不來焉知有而況此意自無始時來千佛出世亦不曾增千佛入滅亦不曾減何必問祖師來

與不來東語西話所以老龐云明明百草頭明
明祖師意恁麼觀來無一處而不周無一法而
不遍雖然如是還丹一粒點鐵成金丹未點時
鐵只是鐵故九峰不悟慈悲曲垂方便教這僧
向無輕重處教知輕重無斤兩處要知斤兩雖
是權衡在手貴圖施設由人休只於龜毛上尋
免角邊覓非唯鷄子過新羅枉又刻舟來記劖
西來的意本不囊藏東土衲僧不勞別討如或

不然請問投子頌曰

等閑不語未逢人知音者少語便傷直似太親婆老
心切不顧火中鸞鳳息枉費神詞驚他石虎暗生嗔怒

怯懼
不勞

師云青林師虔禪師道我有一寶琴寄之在曠
野不是不解彈未遇知音者故少林面壁摩詰
忘言石葦張弓俱脰堅指鎮州三聖慧然禪師
一日上堂云我逢人即出出則不為人便下座

興化云我逢人即不出出則便為人林泉道先
行不到末後太過一人放行中把住一人把住
中放行殺人刀活人劍總在三聖興化手裏雖
是九峯言如劈竹心若直纏皆為慈悲之故能
如是也火中鸞鳳海底泥牛無處棲泊莫能摸
索從教石虎生嗔一任須彌懊惱露柱燈籠總
不恆得還達此意麼斤兩錙銖見端的終歸輸
我定盤星

示衆云芟冗夷聖當稟鎔鋤剪惑裁疑須憑巨
闕不傷鋒不犯手的知是阿誰

舉僧問臨濟如何是吹毛劍不害濟云禍事
禍事識法者恐僧禮拜識甚濟便打殺人

師云汝流不止問如何真照無邊說似他離相
離名人不稟吹毛用了急須磨林泉道宜著精
彩免勞鈍滯這僧向實際理上發此一問大似
燒紙攬禍崇合口惹官防臨濟比他喫鹽多如

喫米終不肯擔千負計釁及自身所以道禍事
禍事這僧有若強魂出現做精倒恠急忙禮拜
怎不教臨濟提正令總權衡膀脊便棒若是皮
下有血眼裏有筋也合似他見黃蘖的時節如
蒿枝拂相似復向大愚助下亦築三拳若解如
此知恩報恩甚生次第喫痴貓枉守鼠窟死狗
難扶上牆伶利衲僧輒莫鹿心大膽頌曰

劍藏匣冷逼人寒

忘龜後唐擬問樓遲過嶺南遠

遠更欲進前求退後

鷗過新羅

悲風千古遶溪潭

矣海中尋不得
岸上却相逢

師云晉書雷煥善天文張華因望斗牛間有異
氣邀煥夜登樓仰視煥曰僕察之久矣寶劍之
精上於天在豫章鄧城縣界華乃薦雷為鄧城
令修獄掘基得石匣有雙劍光甚艷發送一與
華留一自佩華被誅失劍煥卒子為州從事佩
父劍至延平津劍躍墮水使人投之見兩龍有

文章投者懼迴此頌金剛王劍獨露堂堂擬涉
唇吻即犯鋒鎚何止棲遲嶺南而已哉更欲進
前退後轉見差訛而况臨濟正令棒頭喝下凡
聖不存豈容狐朋狗黨至此輒生狂解者邪漫
使悲風千古空逸溪潭枉教臨濟一枝虛勞雲
水慎勿累吾累汝應湏了性了心遂拈拄杖云
休嗟一棒一條痕任你半肯半不肯復靠却云
盡法無民

示衆云一點靈光本非内外千年閻室權立階
梯莫有向脫根塵獨耀今古者麼

舉僧問大隨如何是室中燈挑剔不勞隨云三人

證龜成鼈

象口難調

師云譬如暗中寶無燈不可見佛法無人說雖
慧莫能了大般若經云欲界定不定如四
衢道燈色界定燒亂常定不動如室中燈這僧
若解定亂兩融真俗一致自然灑灑落落了了

明明不必剜身千盞灌滿膏油箭剔昏燈祈求
天眼但肯時時不昧休愁處處皆通耀古騰今
赫赫兮光明遍照輝天鑒地晃晃兮氣焰崢嶸
何止室中獨能燒燬故大隨以三人證龜成鼈
之語試探這僧看具眼那不具眼觀見那覩不
見休只管向長檠短檠上觀瞻於大盞小盞內
剔撥畢竟煌煌智炬燦燦心燈室內街頭無可
不可所以道休於言下覓莫向句中求要知深

細端的更須請問投子頌曰

六耳同謀事可成少賣弄直言方表赤心人且信

半室中燈焰誰來撥投除罕見子白髮童兒兩鬢新

罕見

師云三人同一心竚土變為金何止六耳而謀
大事設使證龜成鼈呼鐘作瓮舌在汝口何傷
之有平生心膽直言處分付這僧至理幽微曲
說時休剛錯會室中燈焰著意裁劃箇裏光明

看誰招撥若達無說說其道自玄玄白髮童兒
雖增新於兩鬢青眸初子還仍舊於雙睛若能
見徹根源方信元無意路林泉恁麼分析還理
會得麼遂下座云且歸林下去別日再商量
示衆云玄微及盡妙密難明至贊幽深威嚴可
尚未登寶位保養聖胎者知是何人

舉僧問瑞巖如何是誕生 王子九重深處
但聞名難

云深宮引不出

貴人見面

師云洞山設王子五位喻至尊大寶本來尊貴
衆生心佛亦復如是雖則人人具足箇箇圓成
奈無始時來迷真執妄背覺合塵故以迷悟修
證漸次增級而比類之五位者一誕生二朝生
三末生四化生五內生故石霜諸禪師一一頌
出誕生頌曰天然貴胤本非功德合乾坤育勢
陰始末一期無別種宮分六宅不他宗上和下
睦陰陽順共氣連枝器量同欲識誕生王子父

鶴騰霄漢出銀籠朝生曰苦學情論世莫群出
 来凡事已超倫詩成五字三冬雪筆落分毫四
 海雲萬卷積功彰聖代一心忠孝輔明君益梅
 不是生知得金榜何勞顯至勲末生曰久棲巖
 壑用工夫草榻柴扉守志孤十載見聞心自委
 一身冬夏衣繾無澄疑含笑三秋思清苦高名
 上哲圖業就高科酬極志比來臣相不當途化
 生曰傍分帝命為傳持萬里山河布政威紅影

日輪凝下界碧油風冷暑炎時高低豈廢尊卑
 奉五袴蘓途遠近知妙印手提邊塞靜當陽那
 肯露纖機內生曰九重深處復何宣桂弊由來
 顯妙傳祇奉一人天地貴從他諸道自分權紫
 羅帳合君臣隔黃閣簾垂禁制全為汝方隅宮
 屬戀遂將黃葉止啼錢這僧依此五位首題為
 問今具錄之瑞巖所答之意不言可曉平鋪梗
 案投子深明的確玄微請參頌意頌曰

貴異天然應有時

靡從人得

六宮春苑少相隨

仰攀

不星攢半夜天輪迴

河濱斗垂夜柄

燭曉東闕簾靜

仰

垂杳絕

視聽

師云以世諦為論位及九五界總三千享萬乘
之名衍兆民之慶富有四海貴為一人此豈非
貴異天然有時而已哉况我真乘菩提妙種人
人心地莫不包藏雖黑業荒蕪儻蒙法雨滋榮
例皆秀拔而已亦猶積代簪纓本來尊貴誕質

應世必有其時既處六宮應修萬德六官者阿
房紫微天一玄武長梁建章爛遊春苑誰敢相
隨曲為今時權分主伴星攢半夜月落三更銀
漢橫空天輪孤迥東闕燭曉北闕香消垂珠簾
不面堯眉扁玉殿難瞻舜目正當此時合作麼
生奉重轉身就父無標的拈却花冠不得名
示衆云呻吟聲咳無非妙用神通瞬目揚眉總
是法門佛事下坡不走快便難逢至理玄微若

為話會莫有知音可嘉者麼

舉僧問鼎州文殊和尚古人垂一足意旨如

何既能觀面相呈殊云坐久成勞莫是脚

師云釋迦拈花趙州指柏道吾舞笏雪峰輶述

皆以無言之旨為衆提携若認一機一境不無半暗半明非唯料調沒交涉端的早自闕甚事是他文殊向優游平易無艱阻處更不構思信口便道坐久成勞此謂之騎賊馬越賊奪賊槍

刺賊並不索張筋努脉掉臂擰拳問在荅處荅在問處何必窮玄究妙索隱鉤深舉足下足皆是道場開口合口無非妙理莫便於禪床邊蒲團上結跏趺坐鋪眉苦眼處穿鑿鑽研疏通解釋到底乾骨頭上有甚麼汁若知無味之味試看投子有條攀條無條舉例頌曰

馳書纔去返忽忽草鞋鐵還一足垂酬繼後蹤步踏着坐久成勞誰委悉沒脚紅爐點雪自

相通（不是知者人不知）

師舉青原思禪師令希遷馳書與南嶽讓和尚曰汝達書了速迴吾有箇鈍斧子與汝住山遷至彼未呈書便問不慕諸聖不重已靈時如何讓曰子問太高生何不向下問遷云寧可永刼沉淪不慕諸聖解脫讓便休迴至青原問曰子去未久送書達否遷云信亦不通書亦不達曰作麼生遷舉前話了却云去時蒙和尚許住

山斧子便請取思垂一足遷禮拜林泉道好好脩事者潭州長毘曠禪師因石頭問甚麼處來云嶺南來曰大庾嶺頭有鋪功德成就也未云成就久矣只欠點眼在曰莫要點麼云便請石頭垂一足毘便作禮頭曰你見箇甚麼便禮拜云某見處如紅爐上一點雪林泉道無見為真見孰能達此情恁麼舉來這僧問意文殊答辭歷歷分明首尾相見還知投子妙叶兼帶針線

貫通處麼無目綉雙鳳沖虛透碧霄
示衆云事窮的要須煩竹杖芒鞋理絕幽微焉
用月餅雲錫有箇不出門知天下事的漢汝還
識麼

舉僧閣上藍起和尚善財見文殊後為甚麼
却徃南方為欠布單錢藍云學憑入室知乃通方
非師僧到蘇摩城為甚麼彌勒却遣見文
不委爭之不足許伊殊讓之有餘藍云道曠無涯逢人不盡許伊見

作家來師拈云然道無迷悟法證由師車不橫推無

曲斷不住聖凡莊嚴妙行一念不生全體現是以文殊

跋涉不易或刀山劍舍罪杻王宮縱橫無或童女

登山須彌登山逢原盡彌勒彈指普賢親瞻

一般拈弄再見文殊復有何事依舊眉毛信

知通方知有道曠無涯不是若辛人不知不昧光蹤

歷窮盡妙若不登樓望焉知滄海寬諸仁者還知更有一

人為甚麼善財不參

無眼相見從來

雖共住到底不知名

良久云月色淨中見

巖谷半夜穿雲入市

泉聲深夜聞滿頭白髮離

師云不行萬里地不讀萬卷書毋閱工部詩言

偏處不逢去中不失

其見聞博贍智量恢弘方能為也世法尚然如是况吾真乘世出世間無上妙道大解脱門邪若非具遊戲神通奮迅三昧得大總持有大威力曷能經由百一十城參五十五大善知識善

財初誕生時其家所有伏藏珍寶悉皆出現故立斯號始遇文殊師利發菩提心及問云何脩菩薩行展轉指示解脫玄門未後至蘇摩城彌勒復遣再見文殊林泉道原始要終親切旨肯教虛費草鞋錢所以上藍云道曠無涯逢人不盡若便恁麼會去處處長安路門門古佛家不勞重進步特地訪烟霞投子拈云然道無迷悟法證由師不住聖凡莊嚴妙行林泉道起初不

遇作家到底翻成骨董迷本非迷悟本非悟其道玄玄何消指注至此無聖凡可立無妙行可脩方稱一乘圓頓之性雖文殊指令遍參其實大解脫門誰不無之不見道是處語言皆合道誰家絃管不傳心癡愛成解脫真源貪嗔運菩提大用妄想興而涅盤現塵勞起而佛道成若然則不昧光蹤縱橫得妙更問善財不參的知識若能覩面相呈莫認默然良久雖則滿頭白

髮暫別巖阿還能半夜穿雲來遊市肆偶爾相逢合談何事任從滄海變終不為君通頌曰

日出昇空高下周普天匝地崑崙源派入川流大無
不包小無春山雲逗風無盡銷鎔頓入鴈去迴
無不入不可思議

南天地秋年年不別

師云解脫門中千光朗耀菩提心內一點難謾蕩蕩乎哉恢恢然矣運晶明之慧日升窅漠之真空燁赫而高下普周照燭而古今無間嵒峯

空谷集

卷中

源派分入百川華藏緣由收歸六相若春山雲
逗往復無際而動靜一源晚樹風生圓音互奏
而即同萬籟優游四法界不離十玄門寒鴈回
南遍詢知識秋風應律搖蕩乾坤只如不涉途
程一句合作麼生道點地腳跟難摸索莫隨萬
水與千山示衆云開真如門正見磨盤秋結子離言說相
忽逢碓觜夜生花自從諸聖不安排直至而今

無處所莫有達此理的麼

舉僧問洛浦如何是一大藏教收不得者

果然不知果

然不識浦云雨滋三草秀片玉本來輝明了

心中了何必意遲遲

師云如來所說一大時教分而為三一經藏二
律藏三論藏然此土流傳者萬分之一也這僧
今問藏教中收不得者非謂紙上語也欲窮一
切衆生亘古亘今歷劫常存無生無滅妙覺之

真心者也始自鹿野苑終至跋提河於其二中間未嘗說一字此未說之說不傳之傳何隨函而可收攝者邪又云吾四十九年所說三乘十二分教皆是止啼黃葉汝等諸人還識真金麼將知此金豈非藏教收不得者歟洛浦故以雨滋三草秀片玉本來輝為荅法華藥草喻說密雲彌布等澍其澤普洽卉木及諸藥草小根小莖小枝小葉中根中莖中枝中葉大根大莖大

枝大葉諸樹大小隨上中下各有所受一雲所雨稱其種性而得生長雖三乘根機不等而如來所賜法雨無有異也片玉光輝靡從他得況汝之真心本來具足者也不見道聲前一句圓音美物外三山片月輝其餘光彩別看頌意頌曰

畢鉢巒花晚帶春

一氣不言
含有象

香風時結鶯峰

層

萬靈何處
謝無私

須知玉像併中塔

若人觀

別有

輝天鑑地燈大小大明白

師云東君不世情委曲到山家隨分有春色一
枝三四花畢鉢巖乃阿難結集法藏之所也自
此香風遠布瑞靄層分福利群生恩霑萬國如
來說法之處號靈鷲山山多鷲鳥故以為名雖
阿難結集而出皆戒佛金口親宣萬古流通皆
因此也法苑珠林第十云四天王白宣律師曰
如來臨般涅槃時與人天大眾在香山頂阿難

池南牛頭精舍住告大迦葉汝將須菩提在須
彌山頂吹大法螺召集十方十地諸菩薩及聲
聞僧百億梵釋及四天王等亦召十方諸佛來
集香山迦葉隨教大眾雲集爾時世尊跏趺而
坐入金剛三昧定大地六種震動又放眉毫相
光遍照大千經于七日大眾咸疑不知何緣世
尊從三昧起熙怡微笑告諸大眾言我初踰城
始出宮門外有乾闥婆王將領步族奏百千六

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

樂來至我所即問我言欲往何所我答言欲
菩提彼語我言定成正覺有拘留孫佛欲入涅
槃時付囑我金瓶瓶中有寶塔盛七寶印黃金
印有二白銀印有五將付悉達常使我護若成
正覺時我尋來至依言受瓶已不久成道大梵
天王與地神堅牢於菩提樹南以黃金白玉造
大金剛壇衆寶莊嚴雖然如是還知輝天墜地
一點分明處摩昔日雲巖曾漏泄輪王不載寶

花冠



林泉老人評昌黎子育和尚頌古空谷集卷中

9 60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

卷四十四

9
60
1
2
3
4
5
6
7
8
9
70
1
2
3
4
5
6
7
8
9
80
1
2
3
4
5
6
7
8
9